

Orta dies postquam tenebras discusserat alras,  
 Portitor exsurgens praefatam venit in urbem,  
 Regalique coco, reliquorum quippe magistro,  
 Detulerat pisces, quos vir dedit ille viator.  
 440 Hos cum pigmentis condisset et apposuisset  
 Regi Gunthario, miratus fatur ab alto  
 'Istius ergo modi pisces mihi Francia nunquam  
 Ostendit, reor externis a finibus illos.  
 Dic mihi quantocius, cujas homo detulit illos?'  
 445 Ipseque respondens narrat quod nauta dedisset.  
 Accersire hominem princeps praecepit eundem.  
 Qui, cum venisset, de re quaesitus eadem  
 Talia dicta dedit causamque ex ordine pandit  
 'Vespere praeterito residebam litore Rheni,  
 450 Conspxique viatorem propere venientem,  
 Et veluti pugnae certum per membra paratum;  
 Aere etenim penitus fuerat, rex inclite, cinctus.  
 Gesserat et scutum gradiens hastamque coruscum.  
 Namque viro forti similis fuit et, licet ingens  
 455 Asportaret onus, gressum tamen extulit acrem.  
 Hunc incredibili formae decorata nitore  
 Assequitur, calcemque terit jam calce puella.  
 Ipsaque robustum rexit per lora cavallum,  
 Scrinia bina quidem dorso non parva ferentem,  
 460 Quae, dum cervicem sonipes discusserit altam,  
 Atque superba cupit glomerare volumina crurum,  
 Dant sonitum, ceu quis gemmis illiserit aurum.  
 Hic mihi praesentes dederat pro munere pisces.'  
 His Hagano auditis, ad mensam quippe resedit,

---

438 cocco A. quoco B. 440 dum B. I. 442 istiusce modi  
 nunquam m. F. pisces C. 444 quanto ocius cuias luc C. quan-  
 titius B. 447 et cum A. I. 452 cunctus A. intulit I. 456 forma  
 d. puella C. 457 calce nature C. 458 caballum B. 460 discuss-  
 erat C. 461 at B. furit gl. v. currū I. 462 geminis illiserat C.